

## ٩٤- مَنْ هُمْ بِحُسْنَةٍ وَمَنْ هُمْ بِسُوءَةٍ - مختصر جامع العلوم والحكم

### - الحديث السابع والثلاثون (٢) - شريف علي

شريف علي

بسم الله الرحمن الرحيم. الحمد لله رب العالمين. والصلوة والسلام على اشرف الانبياء والمرسلين نبينا محمد وعلى الله وصحبه ومن اتبع هداه الى يوم الدين اللهم انا نسألك علمًا نافعاً ورزقاً واسعاً وعملاً صالحًا متقبلاً اللهم انا نعوذ بك من علم لا ينفع من قلب لا يخشى ومن نفس لا تشيع من دعاء لا يسمع - 00:00:00

اللهم انا نسألك الجنة وما قرب اليها من قول او عمل ونعوذ بك من النار وما قرب اليها من قول او عمل. اللهم انصر اخواننا المستضعفين في كل مكان. اللهم سدد رمي المجاهدين - 00:00:19

اللهم امدهم بمدد من عندك اللهم اعنهم ولا تعن عليهم وانصرهم ولا تنصر عليهم امكر لهم ولا تمكر عليهم وانصرهم على من طغى عليهم انصرهم على من بغي عليهم اللهم احفظهم من بين ايديهم ومن خلفهم - 00:00:30

وعن ايديهم وعن شمائهم ومن فوقهم ونعوذ بعظمتك ان يغتالوا من تحتهم اللهم قاتل الكفرا الذين يصدون عن سبيلك ويذبحون رسلك ويقاتلون اوليائك الله الحق اللهم احصهم عدد واقتلهم بدده - 00:00:44

ولا تبق منهم احدا. اللهم خالف بين كلمتهم وشتت شملهم فريق جمعهم واجعل بأسمهم بينهم شديد اللهم عليك بيهود ومن عاونهم ومن ناصرهم اللهم عليك بهم فانهم لا يعجزونك اللهم انا نجعلك في نحورهم ونعوذ بك اللهم من شرورهم - 00:01:00

اللهم لا تجعل للكافرين على المؤمنين سبيلا. امين امين اه كنا توقفنا في اه القراءة والتعليق على كتاب مختصر جامع العلوم والحكم

الامام ابن رجب رحمه الله اه عند الحديث السابع والثلاثين - 00:01:19

آ قال الحديث السابع والثلاثون عن ابن عباس رضي الله عنهما عن رسول الله صلى الله عليه وسلم فيما يرويه عن ربه تبارك وتعالى  
قال ان الله عز وجل كتب الحسنات والسيئات - 00:01:37

ثم بين ذلك في كتابه فمن هم بحسنة فلم يعملها كتبها الله عنده حسنة كاملة وان هم بها فعملها كتبها الله عنده عشر حسنات الى سبعمائة ضعف الى اضعاف كثيرة - 00:01:50

وان هم بسيئة فلم يعملها كتبها الله عنده حسنة كاملة وان هم بها فعملها كتبها الله سيئة واحدة رواه البخاري ومسلم وفي رواية في زيادة قال او محاجها الله ولن يهلك على الله الا هالك - 00:02:06

كنا زكرنا كلام ابن رجب رحمه الله انه قال ان هذه النصوص تضمنت كتابة الحسنات والسيئات والهم بالحسنة والهم بالسيئة احنا عندنا واحد هم بالحسنة وعملها واحد اهم بالحسنة ولم يعملها - 00:02:28

واحد هم بالسيئة وعملها واحد هم بالسيئة ولم يعملها ولم يعمرها تمام؟ فالنوع الاول قال النوع الاول عمل الحسنات. فتضاعف الحسنات بعشر امثالها الى سبعمائة ضعف الى اضعاف كثيرة. وده ذكرناه امبارح - 00:02:45

النوع الثاني برضه ذكرناه وتوقفنا عند نهاية الكلام عن يعني ان اسباب مضاعفة الحسنات واسباب مضاعفة او ان السيئة قد تعظم احيانا في شرف الزمان او المكان وذكرنا ده في مجلس امبارح - 00:03:03

ثم قال رحمه الله النوع الثالث النوع الثالث الهم بالحسنات ستكتب حسنة كاملة وان لم يعملها وده والله يا جماعة سبحان الله الانسان لما يتأمل في المعاني دي قلبه يمتلى بحب الله سبحانه وتعالى - 00:03:26

يعني زي ما كنا بنقول امبارح مين في الدنيا ممكن يعاملك المعاملة دي ؟ ان انت تكون ناوي الخير هم بحسنة نوى ان هو يعمل عمل صالح ولكن منع حيل بينه عجز - [00:03:48](#)

وربنا سبحانه وتعالى من رحمته وكرمه انه يعطي الانسان الاجر طب مين في الدنيا ممكن تقول له والله اصل انا بس كنت ناوي ان انا اعمل كذا فيقول لك انا ما ليش دعوة بنيتك - [00:04:03](#)

انا لي بالعمل لو انت في شغل دلوقتي مسلا مطلوب منك هدف معين او ان انت تكون اه موجود متواجد وبعدين آآقلت لهم والله بس اصل انا كان في نيتني ان انا اجي وكان في نيتني ان انا مين اللي هيحاسبك على نيتك - [00:04:16](#)  
كان في نيتني ان انا آآاخلوص التارجت اللي مطلوب مني. مين اللي هيتعامل معك كده لكن انت شف ازاي ربنا سبحانه وتعالى بيعاملك هو الكريم سبحانه وتعالى العليم يعلم ما في قلبك - [00:04:33](#)

يعلم صدق نيتك وتعالى والسعى بتاعك والحرص بتاعك على فعل الطاعة ده لا يضيع عند الله سبحانه وتعالى حتى لو ما عملتهاش  
قلنا ده في درس الكلام عن الاخلاص والصدق يرفع رتبة الانسان حتى لو ما عملش العمل - [00:04:49](#)  
ممکن انسان بيقى قاعد او مثلا امرأة كبيرة في السن عجوز وهي ضعيفة وفقيرة وقادعة مسلا تتفرج مسلا على قناة آآمكة ولا حاجة وايام ايام الحج اتمنى ان هي تروح لكن مش معها. غير قادر - [00:05:11](#)

ممکن تشوف وتقعد يعني تتأثر وتباكي وتتمنى ان هي كانت تبقى واقفة يوم عرفة مع الحجاج ممکن بصدق النية ربنا سبحانه وتعالى يعطيها الاجر النوع الثالث ده يعرفك على قد ايه ربنا سبحانه وتعالى كريم - [00:05:32](#)

وقال لهم بالحسنات فتكتب حسنة كاملة وان لم يعملها كما في حديث ابن عباس وفي حديث ابن فاتك من هم بحسنة فلم يعملها فعلم الله انه قد اشعرها قلبها وحرص عليها - [00:05:55](#)

كتبت له حسنة ربنا يعلم ان انت كنت حريص على فعل الطاعة دي وهذا يدل على ان المراد بالهم هنا هو العزم المصمم مش مجرد خاطرة وبعدين ذهبت لقى واحد فعلا عزم - [00:06:15](#)

الذى يوجد الذى يوجد معه الحرص على العمل لا مجرد الخطرة التي تخطر ثم تنفسخ من غير عزم ولا تصميم هذا اه كما وقع مع اصحاب النبي عليه الصلة والسلام - [00:06:33](#)

في غزوة تبوك تخيل ان النبي عليه الصلة والسلام بدأ بقى يتجهز للخروج وكان قتال شديد جداً مسافة بعيدة من المدينة لتبوك في حر شديد زي ما سيدنا كعب قال واستقبل رسول الله صلى الله عليه وسلم - [00:06:50](#)

سفرًا بعيدًا وفاز تجلّى للمسلمين أمرهم مستقبل عدو شديد قوي عدد كبير جداً ضخم جيش ضخم الروم مختلف وناس رايحين للنبي عليه الصلة والسلام من الصحابة عايزين فلوس علشان نتجهز - [00:07:09](#)

لو عايزين آآجمل ولا فرس نركب عليه ونطلع معакم عايزين نقاتل في سبيل الله النبي عليه الصلة والسلام قال لهم مش معى ما فيش فلوس طيب احنا لو مكانهم - [00:07:32](#)

يعني لو انت تخيل نفسك كده انت رايح تقول للنبي عليه الصلة والسلام انا عايز اطلع معكم في غزوة تبوك بس انا مش معى فلوس هل في امكانية ان انت تجهزوني ؟ اطلع معكم - [00:07:49](#)

النبي عليه الصلة والسلام قال لك لا ما فيش لا اجد ما احملكم عليه طب احنا نعمل ايه ممکن واحد مننا يقول والله طيب انا عملت اللي علي وخلاص والحمد لله - [00:08:02](#)

وانا معذور وخلاص يعني هو انا مش طالع رحلة. يعني ده واحد رايح ممکن يقتل في سبيل الله ممکن يرجع ايده مقطوعة ولا ولا  
عنه ضربة عاهة رجله مقطوعة ولا ايده مقطوعة وهو خارج يقاتل - [00:08:16](#)

لا يبكي لفوات حظ من حظوظ الدنيا مش كانوا طالعين رحلة مثلاً مش هياخدوني معهم فانا زعلان ان انا ما طلعتش الرحلة ده ده  
زعلان ان هو حيفوتوا مشهد الرقاب فيه تطير - [00:08:35](#)

هيک حتى لو العلماء ذكرروا قالوا هذا والله بكاء الرجال قال الله عز وجل ولا على الذين اذا ما اتوك لتحملهم قلت لا اجد ما احملكم

عليه تولوا واعينهم تف ips من الدمع حزنا الا يجدوا ما ينفقون - 00:08:54  
المشاعر دي حزن الانسان على فوات الطاعة ربنا سبحانه وتعالى يعطيه الاجر عن مشاعر القلبية دي لأن هو صادق وذلك ابن رجب  
رحمه الله بيقول وما تقترب بالنية قول او سعي - 00:09:09

تأكد الجزاء هو نوى لكن تكلم او سعى في فعل العمل ده تأكد الجزاء والتحق صاحبه بالعامل كما روى ابو كبشة عن النبي صلى الله عليه وسلم قال انما الدنيا لاربعة نفر - 00:09:29

عبد رزقه الله مالا وعلما رجل رزقه الله سبحانه وتعالى المال والعلم يعني عنده دين وعنده فلوس وهو يتقي فيه رب اتق في المال ربها سبحانه وتعالى يعني يأكل المال من حلال وينفق المال في الحلال - 00:09:50

ويراعي حق الله سبحانه وتعالى في هذا المال هو يتقي فيه ربها ويصل به رحمه ويعلم الله فيه حقا فهذا بافضل المنازل ده اعلى حاجة ان واحد يكون عنده الدين - 00:10:14

وعنده العلم وعنده المال يعني واحد يتقي الله سبحانه وتعالى وعنده علم يعلم حق الله سبحانه وتعالى ومعه المال وهو يتقي فيه ربها ويصل به رحمه ويعلم الله فيه حقا يخرج الزكاة وآياتصدق بالصدقات ويصل الرحم - 00:10:34

ويقيم دينه بهذا المال ده بافضل المنازل واعلى الدرجات لأن المال فتنۃ ممکن واحد يتدين في حال الفقر لأن هو مش لاقی لكن لما يكون معه فلوس يطغى ويعرض عن الله سبحانه وتعالى - 00:10:56

قال الله سبحانه وتعالى كلام الناس لا يطيق ان رآه استغنى ان الى ربك الرجعى الانسان لما يكون معه فلوس ومعه نعم ممکن النعم دي تكون سبب في طغيان. فلما يكون بقى موجود ان واحد معه فلوس وعنده دين تقوى وعنده علم يعلم - 00:11:19

للله فيه حقا ويتصدق فيه ربها ويصل به رحمه فده في اعلى المنازل طيب الشاهد بقى ايها؟ قالوا عبد رزقه الله علما ولم يرزقه مالا.

واحد صادق وعنده العلم وعنده التقوى لكن مش معه فلوس - 00:11:40

ولم يرزقه الله مالا وهو صادق النية هنا ده الشرط اهو يقول هنا المية العزم خلاص تحول لايها الكلام يقول لو ان لي مالا لعملت بعمل فلان هو شايف فلان ينفق في سبيل الله وآيات - 00:11:59

زي ما الصحابة راحوا للنبي عليه الصلاة والسلام قالوا يا رسول الله ذهب اهل الدثور بالاجور وفي رواية قالوا بالدرجات العلي والنعيم المقيم يصلون كما نصلي ويصومون كما نصوم ويتصدقون ولا نتصدق - 00:12:23

ويعتقدون ولا نعتقد عليهم فلوس فضل مال فيعرف يتصدق بيعمل عبادات احنا مش عارفين نعملها فيها نفس الفكرة واحد بيقول لو انا معي فلوس زي فلان هعمل بها الاعمال الصالحة دي - 00:12:41

لو ان لي مالا لعملت بعمل فلان لكن ايه هو صادق النية وهو بنيته فاجرهم سواء يشاركه في اصل الثواب المضاعفة حاجة تانية وعبد رزقه الله مالا ولم يرزقه علما - 00:12:59

يخبط في ماله بغير علم. واحد ما عندوش دين ولا عنده علم معه مال وهو ينفق المال فيه الحرام لا يعلم الله فيه حقا ولا يصل فيه رحمه ولا يتقي فيه ربها ينفق المال في الحرام وعلى الشهوات وعلى العلاقات المحرمة وعلى شرب - 00:13:21

الخمر وعلى ظلم الناس وآيات رشاوي واكل اموال الناس بالباطل والتكبر في الأرض. وقال الخلياء ولا يعلم الله فيه حقا ولا يصل فيه رحمه ولا يتقي فيه ربها سبحانه وتعالى. تلاقيه ينفق اموال - 00:13:46

على شيء تافه يدفع ملايين الملايين من الريالات او اه علشان بس يجيئ رقم عربية بيتحط على العربية بتاعتته عشان بقى ماشي في وسط الناس بقى له شكل معين او - 00:14:05

يدفع ملايين فهو لا يتقي فيه ربها ولا يصل فيه رحمه ولا يعلم الله في حق ملايين ملايين على التافهين وعلى لعيبة الكورة وعلى المغنيين والمجرمين اموال بالملايين تنفق وده لا شك ان ده - 00:14:22

فساد ولا شك ان الحساب يكون شديد في يوم القيمة عند ديوان يسأل عنه الانسان عن المال من اين اكتسبه؟ وفيما اتفقا سواء بقى على مستوى الافراد او مستوى الدول. من اين اكتسبه؟ وفيما اتفقا - 00:14:43

انت الفلوس دي صرفتها في ايه الفلوس دي انت جبتها منين فده تخيل لما انسان بقى يقف بين يدي الله سبحانه وتعالى ويحاسب على ملابين الملايين آآ انفقها في آآ الضلال في اضلال الناس وفي اغواء الناس وفي الباطل وفي الله وفي الشهوات وفي 00:15:02 مظاهر الكبر والخيال التعالي على الناس فالابد الانسان يعلم ان هو يسأل عن ما له فقال شف هنا التعبير ده فهو يخبط في ما له بغير علم يخبط يعني لأن واحد لأن واحد مش شايف واحد جاهم - 00:15:26

يتعامل آآ لا يتعامل تعامل العقلاء لا يتقي فيه ربه ولا يصل فيه رحمه ولا يعلم الله فيه حقا قال فهذا باختصار المنازل الرابع هو سبحان الله عجيب وعبد لم يرزقه الله مالا ولا علاما - 00:15:50

لا عنده دين وعلم يعصم من الفتن ولا عنده مال وهو يقول لو ان لي مالا لعملت فيه بعمل فلان عمل فلان ده اللي هو مين اللي هو اللي بينفق المال في الحرام - 00:16:13

يقول يا سلام لو معي فلوس ده انا بقى هاصاحب بنات وهصرف عليهم وهرؤح آآ اجيب عربية واخد بنات معني واسافر ونطلع السخنة ونطلع الساحل ونحضر حفلات - 00:16:33

هو هو دلوقتي قاعد ايه لو معي فلوس زي فلان اللي انا بتترج عليه ده اللي انا شايفه ده هامن بالفلوس دي الحرام اللي هو بيعمله طب هو في الآخر عمل ايه - 00:16:46

هو عزم فعلا هو لو معي فعلا هعمل وعلم الله من قلبه الصدق والثبات والعز على ايه؟ على فعل الحرام ده. ان هو فعلا لو تمك من المال قال وعبد لم يرزقه الله مالا ولا علاما فهو يقول لو ان لي مالا - 00:16:59

عملت فيه بعمل فلان فهو بنيته فوزرها سواه وهو بنيته او زرها ما سواه فانسان يحذر من التمني ان بنت دلوقتي تتترج مسلا على واحدة مثلا متبرجة ولا ولا بتسافر ولا بتعمل مش عارف ايه وتتمنى تقول يا سلام لو انا - 00:17:22

لو معي فلوس البس زيها وهم عمل زيها وهم سافر زيها وتحرر زيها وهم طلع كده اصور فيديوهات وارقص واغني زيها نتمنى المعصية النظر ده مشكلة يفسد قلب الانسان تمني المعصية يفسد قلب الانسان - 00:17:50

فتح الابواب دي على على قلبك في النظر ان انت تقدر تشو夫 اصحاب الاموال ياه تبع على حياة لعيبة الكورة والممثلين والمغنيين وتتمنى يا ليت لنا مثل ما اوتى قارون - 00:18:10

انه لذو حظ عظيم هي دي الناس اللي عايشة يا سلام لو انا دلوقتي معي فلوس زي اللعيب الفلاني ويتخيل بقى الحياة دي وانا هعيش وبيقى والبس بقى اللي انا عايزه واعمل اللي انا عايزه وبيقى لي علاقات مع البنات زي ما انا عايز - 00:18:24  
يتمنى الحياة دي خلي بالك آآ خطر قد حمل قوله فهم في الاجر سواه على استواههما في اصل اجر العمل دون مضاعفة احنا قلنا من هم بحسنة فعملها كتبها الله عنده عشر - 00:18:41

حسنات الى سبعمائة ضعف الى اضعاف كثيرة فلو عمل العمل ده يأخذ الاجر اصل الاجر الثواب المضاعف طيب لو هو نوى ولم يعمل ابن رجب يقول ان يحمل القول فهم في الاجر سواه - 00:19:02

ماشي او كتب له حسنة كاملة في حالة اللي هم بحسنة ولم يعملها هم بحسنة ولم يعملها كما قال عليه الصلاة والسلام ان اقواما بالمدينة ما سرتهم مسيرا ولا قطعتم واديا ولا سلكتم شيئا الا كانوا معكم. وفي رواية شاركوكم الاجر - 00:19:22

قالوا هم بالمدينة قالوا هم بالمدينة حبسهم العذر العلماء بيقولوا ان ده يكون في اصل الثواب لكن مضاعفة المضاعفة الاجر هذا يختص او يختص بها من عمل العمل المضاعفة يختص بها من عمل العمل دون من نواه فلم يعمله - 00:19:44

فانهما لو استويتا من كل وجه لكتب لهن هم بالحسنة ولم يعملها عشر حسنات. وهو خلاف النصوص كلها فاهمين الحلة دي اللي مش فاهم بس يقول انا مش فاهم الجزئية دي - 00:20:08

عشان نشرحها تاني احنا دلوقتي عندنا واحد هم بالحسنة وعملها واحد تاني هم بالحسنة ومنع عجز عنها دلوقتي بيقول في الحديث فهم في الاجر سواه اللي هو الشخص اللي بيقول لو ان لي - 00:20:23

مثل مال فلان لو ان لي مالا لعملت عمل فلان وهو وهو صادق النية فهو بنيته فاجرها سواه فاجرها سواه. طب اجرها سواه يعني

هاد نفس الاجر بالزبط زي اللي انفق زي اللي عمل - 00:20:43

ابن رجب بيقول انهم هيسنوا في اصل الاجر. طيب المضاعفة المضاعفة دي خاصة لمن العامل طيب بيقول كده ليه لأن في نص الحديث اللي هم بحسنة وعملها النبي عليه الصلاة والسلام قال تكتب له عشر حسنات - 00:21:03

إلى سبعمائة ضعف إلى أضعاف كثيرة. طب اللي هم بحسنة ولم يعملاها؟ كتبها الله عنده أية حسنة كاملة الحسنة كتبت لكن المضاعفة طيب هل ده يدخل فيه برضو مسألة تفاوت - 00:21:22

اعمال قلوب الناس يعني في وقت العبادة يعني ممكن واحد عجز عن الطاعة لكن ربنا سبحانه وتعالى يعطيه الاجر الكبير انه ممكن بتفاوت ده ليه أية سبب التفاوت هنا - 00:21:39

ما وقر في قلب الإنسان واضح الجزئية دي يعني ممكن واحد ربنا يضعف له الاجر. فضل الله واسع لكن هنا نقول ده كان فيه مشاعر قلبية مختلفة واضح طيب الحمد لله - 00:21:57

ثم قال النوع الرابع لهم بالسيئات من غير عمل لها واحد لهم بالسيئة وبعدين ما عملهاش طيب ما عملهاش ليه والله واحد مسلا كان رايح يسرق وهو خلاص وصل عند النبي كان هيسرقه - 00:22:21

بقى الحارس موجود وصاحب وهو كان متوقع مثلاً ان الحارس في اجازة مسلا او مسافر او مش موجود وهنا ترك السرقة انه عجز عنها ما عرفش واحد كان رايح مسلا - 00:22:42

يزني والعياذ بالله وهو رايح في الطريق عمل حادسة العربية بتاعته عطلت وقع من على السلم اتزحلق ورجله اتكسرت هو كان رايح كان عازم على على الذهاب. هل هو ترك الذهاب لله - 00:22:57

خوفة من الله سبحانه وتعالى زي ما جاء في الأحاديث انما تركها من أجل او من جراي هل هو تركها لله ولـى تركها عشان ما عرفش يعملها؟ طب لو كان عرف يعملها؟ لو كان ممكن من المعصية كان عملها - 00:23:16

فهنا يختلف على حسب ايه على حسب العزم والنية واحد لهم بالسيئة من غير عمل ماشي وفي حديث ابن عباس انها تكتب حسنة كاملة. هل ده مطلقاً لأد بشرط ان هو يكون ترك السيئة لله - 00:23:36

السيئة لله. يعني واحد كان عايز شايف واحدة جاية كده فقال ايه هبص عليها هو آآ يعني امعن فيها النظر. واتأمل كده واتفرج عليها وعلى جمالها وعلى محاسنها وعلى كل التفاصيل دي - 00:24:00

وبعدين وهي جاية قدامه كده وهي جاية راحت جاية عربية واقفة مسلا آآ قدام البنت وهو عايز يشوف مش عارف يشوف. البنت راحت راكبة التاكسي ولا راكبة العربية والعرب مشيت - 00:24:16

ما شفهاش ما علش يشوفها هو كان هيموت ويشفوفه. كان عايز هو لم يترك النظر خوفاً من الله لكن هو حيل بينه وبين المعصية لسبب من الاسباب طيب هل ده نقول ان هو لهم بسيئة ولم يعملاها فتكتب له حسنة - 00:24:29  
لا ليه؟ لأن الشرط هنا ايه؟ انما تركها من جراي يعني من اجي وهذا يدل على ان المراد من قدر على ما هم به من المعصية. يعني هو قادر ان هو يعمل الذنب ده - 00:24:55

فتركه لله تعالى وهذا لا ريب في انه يكتب له بذلك حسنة. لأن تركه للمعصية عمل صالح كان هيعلم حرام وبعدين تركه لله كان هيدخل يكلم بنت ولا هينظر لفيلم مسلا من الافلام الاباحية - 00:25:10

ولا مسلا كان لسه هيقتاب هم ان هو يغتاب وبعدين افتكر بخاف من ربنا سبحانه وتعالى وافتكر يوم القيمة وافتكر الحساب والميزان. وبعدين راح مسك لسانه لسه هيسخر من واحد - 00:25:32

ويقل منه كذا وبعدين افتكر وبعدين مسك لسانه على طول وهو تارك هنا المعصية ليه فيثاب واحد كان لسه هيبيص على البنت اللي ماشية وبعدين تذكر ان الله سبحانه وتعالى يراه. وان الله مطلع عليه. وان الله يعلم خائنة الاعيين وما تخفي الصدور - 00:25:50  
التذكرة دي خلته ان هو يترك المعصية. فوراً لله حتى لو كان النظرة الاولى لكن لا يديم النظر ان هو تذكر ان الدين اتقوا اذا مسهم طائف من الشيطان تذكروا - 00:26:15

خلاص فترك المعصية لله. فده ياخذ حسنة من فضل ربنا سبحانه وتعالى زي ما قلنا في حديث الثالثة طيب فهنا يدل ان هو ايه تركها لله. فاما ان هم بمعصية ثم ترك عملها خوفا من المخلوقين او مراة لهم - 00:26:31

كان هيطلع مسلا سجارة حشيش ولا هيشرب سجارة ولا وبعدين لقى حد ايه معدى كده شافه مسلا او حد يعرفه او او او مسلا مدبره في الشغل او مش عارف ايه - 00:26:52

ينفع ينفع ان انا اعمل الحاجة المعصية دي قدامهم فتركها خوفا من الناس او خوفا آآ من آآ يعني مراعاة لهم وقد قيل انه يعاقب على تركها بهذه النية لان تقديم خوف المخلوقين على خوف الله محرم - 00:27:06

يعني انت خايف من الناس انت مش خايف من ربنا ده غير يا جماعة الحياة من من الناس او الحياة من الرجل الصالح وان الحياة من شعب الایمان وان الحياة - 00:27:31

يحمي الانسان يدفع الانسان على ترك الامور القبيح الحياة لا يأتي الا بخير. يعني لو واحد يستحي ان هو مثلا يعمل عمل امام الناس وده اللي منعه من فعل العمل ده هو الحياة - 00:27:42

فده شيء محمود لكن هو خايف من نظر الناس. خايف الناس تقول علي. خايف ولا يخاف من الله سبحانه وتعالى لا يخاف من الله سبحانه وتعالى. لكن خايف من المخلوقين - 00:27:57

ابن رجب بيقول ان هو يعاقب على النية دي. هو ما عملش فعلا يعاقب على تركها بهذه النية لان تقديم خوف المخلوقين على خوف الله محرم وكذلك قصد الرياء للمخلوقين محرم - 00:28:11

فاما اقتربن به ترك المعصية لاجله عوقب على هذا الترك طب الحل ايه؟ ان هو يعمل معصية وخلاص لأ طب خلاص انا لو هترك المعصية علشان خايف من الناس او رباء - 00:28:25

فيبيقى معنى كده ان انا اعمل معصية بقى وخلاص لأ معنى ان انت تترك المعصية وتصلح نيتك هنا خايف من الناس؟ هو دلوقتي الناس لو كل الناس اجتمعت على مدح انسان - 00:28:43

هو هيستفيد ايه هيستفيد ايه في الآخرة ولا حاجة لو كل الناس اجتمعت على ذم انسان بحق او بغير حق مش هيستفيد حاجة يستفيد حاجة لان الناس لا يملكون لك - 00:28:58

آآ الجنـة والنـار يكون ان هو يغفر لك الذنوب بتاعتـك او ان انت تدخل الجنـة او ان انت تنجـو من النار الامر بيد الله وتعالى فيتذكر المعنى ده فيترك الرياء - 00:29:17

يترك الخوف من الناس ويكون سبب الترك هنا ان انا هسيبها عشان خايف من ربنا عشان هي حرام مش علشان والله انا اه حد مسلا يسأل عن شرب الخمر ولا يقول لك لا والله اصل انا يعني اه ما حبتهاش او ما جربتهاش - 00:29:34

لو انا يعني فين بقى فين العبودية العبودية وانت آآ انت تقول ان انا انا اترک ده لان انا عبد الله لان انا مسلم لان ربنا قال لي ما تعملش ده - 00:29:53

فيبيقى هنا انت بتترك امثالا لامر الله سبحانه وتعالى خوفا من عقابه يحذر الآخرة ويرجو رحمة ربها فهنا ايه نقول له اه انت انت بتترك ده لله. انما اقول والله اصل انا اصل اه يعني - 00:30:06

يعني والله ده شيء اجتماعيا مش كوييس او مش لطيف او الناس اللي بتعمل كده شكلها مش حلو او انا والله مش حابب الحاجة الحرام دي. ذوقيا يعني ما بحبهاش. طب لو ذوقيا حبيتها - 00:30:25

هتعملها فلابد ان الانسان يحتسب النية في الترك تقدع كده مع نفسك هو انا انا ما بعملش دي وتجدد نيتك. هو هو البنت دلوقتي اللي لابسة النقاب ولا لابسة الحجاب - 00:30:37

هو انا ليه مش مش كاشفة شعري؟ هو انا ليه مش متبرجة؟ انا تركت التبرج تركت المعصية دي لله عشان ربنا سبحانه وتعالى نهاني عن الفعل القبيح ده عشان النبي عليه الصلاة والسلام امرني به الستر - 00:30:50

فانا بتترك الحرام لله مش علشان آآ يبقى شكلي قدام الناس بشكل معين لأ فلابد الانسان يخلص النية من الشوائب النية بتاعتي في

ترك الحرام هو انا بسيب الحرام ده ليه - 00:31:07

سبه عشان ربنا عشان انا خايف من عقوبة ربنا. قل اني اخاف ان عصيت ربى عذاب يوم عظيم بوضوح قل لهم كده ان ربنا سبحانه وتعالى بيقول للنبي عليه الصلاة والسلام قل لهم قل لهم يا محمد اني اخاف ان عصيت ربى عذاب يوم عظيم - 00:31:24  
وفي بعد النبي عليه الصلاة والسلام فان انا ايه السبب اللي يخليني اترك الحاجة الحرام عشان انا خايف من ربنا عشان ما تعاقبشت  
عشان ما ادخلش النار لما يترك المعصية لله يثاب - 00:31:41

واما ان سعى في حصولها بما امكنته ثم حال بينه وبينها القدر زي ما قلنا فقد ذكر جماعة انه يعاقب عليها حينئذ لقول النبي صلى الله عليه وسلم ان الله تجاوز لامتي ما عما حدثت به انفسها ما لم تكلم - 00:31:59  
به او تعمل ومن سعى في حصول المعصية جهده. ثم عجز عنها فقد عمل سعى في حصول المعصية وبذل الوسع سعى في حصول المعصية جاهده ثم عجز عنها وقد عمل - 00:32:17

وكذلك قول النبي عليه الصلاة والسلام اذا التقى المسلم ان بسيفيهما القاتل والمقتول في النار طيب القاتل ماشي مفهوم واحد قتل مسلم كبيرة من اكبر الكبائر من اعظم الذنوب عند الله سبحانه وتعالى سفك الدم - 00:32:38  
المسلم بغير حق واحد قتل مسلم طيب ده ماشي متتصور ان هو يدخل النار طيب المقتول قالوا يا رسول الله هذا القاتل يعني نفهم ان القاتل يدخل النار ان هو فاعل كبيرة من اكبر الكبائر. قتل مسلما - 00:32:57

بغير حق فما بال المقتول ليه يدخل النار قال صلى الله عليه وسلم انه كان حريصا على قتل صاحبه يعني ما الذي منعه من قتل صاحبه هم الاثنين ايه اذا التقى المسلم ان بسيفيهما - 00:33:17

طب ايه اللي منع المقتول من قتل ان هو ايه وده احنا مش بنتكلم هنا عن دفع ان الانسان يدافع عن نفسه ويدافع عن ماله لو لوال انسان خرج عليه انسان اعتدى عليه رجل - 00:33:39

ومسلم واعتدى عليه واراد ان يقتله واراد ان يسرق ما له او اراد ان هو آآ يعني يؤذني اهله فالانسان دافع عن ما له او عن نفسه او عن اهله فقتل فهو شهيد - 00:33:58

وده ده اللي عليه في الحديث قال ارأيت ان قتلتني ارأيت ان قتلت؟ قال هو في النار. قال ارأيت ان قتلتني قال عليه الصلاة والسلام آآ انت في الجنة او قال - 00:34:13

هو شهيد او كده اعلى ما اذكر يعني لا اذكر نص الحديث يعني حد من الاخوة يعني يأتي بالنص يعني طيب قال يبقى واضح واضح الجزئية دي يبقى في واحد ترك المعصية لله وواحد ترك المعصية خوفا من الناس او رباء - 00:34:30

لو واحد ترك المعصية لان هو عجز عنها اذا التقى المسلم بسيفيهما فالقاتل والمقتول في النار ليه انه كان حريصا على قتل صاحبه هو عجز عن قتل لكن هو عزم - 00:34:47

هو عزم وربنا سبحانه وتعالى علم من قلبه ان هو عقد العزم ان هو لو تمكنا من قتل هذا الانسان لقتله ماشي ممكن حد ببحث لنا عن الحديث اللي قلناه - 00:35:01

ماشي طيب قالوا اما ان فسخت نيته وفترت عزيمته معلم شوية نكمي الباقى من من الشرح ولا نأجله طيب خلاص ممكن عشر دقائق كده اللي حباب يستأنز ممكن يستأنز ويسمع التسجيل اللي باقى. هينزل ان شاء الله على طول - 00:35:20  
طيب قال قال رحمة الله واما ان فسخت نيته وفترت عزيمته من غير سبب منه هل يعاقب على ما هم به من المعصية؟ لام لا تصورووا المسألة هو بيقول واحد - 00:35:51

ان هو يعمل معصية وبعدين ايه اللي حصل افسخت نيته واحد يقول لك انا هطلع هطلع سفرية كده مع اصحابي نروح يعني مسافرين متجمعين ورايحين في سهرة وبنات وحفلة ومش عارف - 00:36:05

قال خلاص هروح معهم وبعدين ايه ان فسخت نيته خلاص ايه مش هسافر وفترت عزيمة كسل قال لك مش رايح. من غير سبب من غير سبب منه هل يعاقب على ما هم به من معصية؟ ام لا؟ قالوا هذا على قسمين - 00:36:24

ان واحد جات له خاطرة خطرا ويعمل شيء حرام وبعدين لا لا انا مش هعمل كده ده يعني آآ يعني شيء لا يرضي الله سبحانه وتعالى  
وكاره الفكرة دي - 00:37:05

وسوس اليه وكده هذه الوسوسه يعني لم يسترسل معها مع الخواطر وبدأت بقى تحول لفكرة وبقى يعني يتأمل فيها ويتفكر فيها  
قلب الانسان وتحول الى عزيمة. لأن ما وصلش لده - 00:37:20

ماشي طيب القسم الثاني لأ ده واحد العزائم المصممة التي تقع في النقوس وتدوم ويساكنها صاحبها فهذا ايضا نوعان. النوع الثاني ده عارفين الفكرة اللي تبتدي تكبر تكبر في نفس الانسان كده - 00:37:39

يعني هو بنت مسلا ايه انا عايز اصحاب هتيجي خاطرة صاحبته مسلا تكلمها او حد مسلا يبعث لها رسالة او مش عارف ايه نفسها  
كده ايه تقول لها طيب ما فيش مانع - 00:37:59

الشيطان يووسوس لها طب ردي عليه طب يعني آبس مرة طب شوفي هو عايز ايه وبعددين تترك ده الفكرة تنفر منها وتكره هذه الوساوس وتبعد عنها ما تعملش - 00:38:13

في واحدة تانية تبتدى ايه الفكرة تكبر وتسسيطر عليها وتشغلها تتحول لعزيمة وارادة انا عايز اعمل ده فقال ايه؟ احدهما ده برضو  
القسم ده نوعين ماشي احدهما من كان علما مستقلابننفسه من اعمال القلوب. ركزوا في الكلام ده عشان مهم جدا - 00:38:29

الشك في الوحدانية او النبوة او البعث او غير ذلك من الكفر والنفاق فهذا يعاقب عليه العبد ويصير بذلك كافرا او منافقا ويلحق بهذا  
القسم سائر المعاصي المتعلقة بالقلوب كمحبة ما يبغضه الله وبغض ما يحبه الله والكبير والعشب - 00:38:55

ماشي طيب خلاص جزاكم الله خيرا نقرأ الحديث اللي انتم باعتينه ركزوا بس في الجزء ده. احنا قلنا ان في واحد بقى عنده عزم خلاص في، صميم القلب ان هو يعمل معصية - 00:39:15

طب هو عمل احنا مش بنتكلم على الشخص اللي عمل طيب في خواطر الخواطر دي مستقلة بنفسها يعني واحد يعتقد اعتقاد سيء  
متلا في النبي عليه الصلاة والسلام يسيء الظن - 00:39:27

اه برسول الله عليه الصلاة والسلام او يسيء الظن بالله سبحانه وتعالى او يعتقد اعتقاد فاسد في ربه سبحانه وتعالى او ان هو يكره ما انزل الله. بشوف حكم من الاحكام الشرعية يقولوا لك انا انا يكره الحكم ده - 00:39:44

مش عاجبني طيب ده عمل قلبي تمكنت من قلب الانسان واستقر وهو عمل مستقل هل يعاقب عليه الانسان؟ ايوة هو ده عمل اصلا ده عمل مستقل، ان هو آآياتنافه، او ان هو بتكلم فـ يعني، وان كان ده حدث نفس، بحـلـامـ الـكـفـر - 00:40:01

او ان هو يكره ما انزل الله او يسيء الظن بالله او ان هو يسيء الظن بالنبي عليه الصلاة والسلام. او يسيء الظن مسلا في اه اصحاب النبي عليه الصلاة والسلام يكره مسلا الصحابة ايه يكره عمر وعثماناً . وعلـ . وطلحة - 00:40:24

بنتكلم هنا عن خاطرة حات له وبعدين استعاد بالله. بعذ. ممك: واحد بحـ. له وساوسـ. فـ. ذات الله - 00:40:39

زي ما احنا قلنا في القسم اللي فات ان هم الصحابة لما راحوا للنبي قالوا له احنا بتيجي لنا خواتر ووساوس يعني ان احنا نترددي  
ص: م: شاهة او من فرقه حما ده بعنى يكده: اهون: علينا - 00:40:56

النبي عليه الصلاة والسلام قال ذاك صريح اليمان او قد وجدتموه الحمد لله الذي جعل كيده في وسالته من الشيطان مش انتم  
وانتم لما تبحرون اكم الخواطر دع والمساهم دع انتم كارهونها ومتضائقون منها بـ العالمة - 09:41:00

يعني انت الشيطان وسوس لك وساوس سيئة في ذات الله فانت ايه انت قلت استغفر الله العظيم اعوذ بالله من الشيطان الرجيم. لا  
الاسحاق: الله ربنا سحانه متعوا آآآكماء مدعوا سحانه متعوا - 00:41:26

منزه عن كل عيب وانت كرهت الوساوس دي يبقى ده من النوع الاول. انت دفعت الوسوسة. طيب واحد تانى جت له الوساوس بدأ

يسترسل بدأ نكمل بقى في طريق يسمع شبهات كمان ويقتنعوا بها. وتحول لاعتقاد - 00:41:42

هل ده زي القسم الاول؟ لا طبعا خلي بالك احنا هنا عشان كده تلاقي كتير من اهل العلم يحذر الشباب هو لسه في بداية الطريق هو لسه يعني رجله مش - 00:42:03

راسخة في العلوم الشرعية انت ما تسمعش شبهات مش مش بيقول لك ما تسمعش شبهات عشان تفهمها اني ما اسمعش واد بمعنى ان والله الدين بتاعنا ضعيف او ان ما فيش فيه ردود على الشبهات - 00:42:15

والله الشيوخ خايفين ان ان احنا نشغل دماغنا وانا عايز اروح لأ بيقول لك عشان عشان انت ما تفتتنش عشان انت ضعيف عشان انت علمك ضعيف. فممك حد يضحك عليك - 00:42:31

يضل يضل الانسان. اسأل الله سبحانه وتعالى ان يكتب لنا الهدى وان يصرف عنا آآ الزيف والضلالة وان يثبت الايمان في قلوبنا امين يا رب ممك واحد يلقي في قلبك شبهة - 00:42:45

وما تعرفش تخرجها وتعتقد اعتقاد في الله وانت مش قادر. وتروح مسلا تسؤال الشيخ فلان ما يعرفش يحل لك المشكلة الشبهة اللي دخلت يجاوب اجابة لا تشفى صدر الانسان طب انت ليه تعمل في نفسك كده وتعرض ايمانك للخطر - 00:43:03

ماشي احنا هنا فرقنا القسم الاول خاطرة الانسان بيكرهها ويدفعها القسم الثاني لأنوسوة تتمكن من القلب وبعدين يكمel معها فلو ده عمل مستقل زي كراهية ما انزل الله زي الوساوس السيئة في ذات الله او في النبي عليه الصلاة والسلام. فيعاقب - 00:43:23

زي النفاق زي آآ اعتقاد الكفر يعاقب عليه طيب وكذلك معاصي المتعلقة بالقلوب الحسد لو واحد قعد يفكر ان هو بيحسد فلان ويكره النعمة اللي هو فيها ده ده عمل قلبي - 00:43:42

مستقل فيعاقب عليه لو استرسل معه. طب لو جت له خاطرة قاطرة الحسد ان هو نظر لفلان فيعني تمنى ان هو النعمة تزول وبقي بدأ يفكرا ان هو بيحسد ومش عارف وبعدين - 00:43:58

لا لأن دفع الوساوس دي وببدأ يدعي له وربنا يوسع عليه وربنا يرزقني زي ما رزق فلان وربنا يبارك له في زوجته وفي اولاده وفي حياته مش عارف وببدأ يدفع ايه - 00:44:12

الوساوس دي فهذا يثاب طب لو استرسل معها يعاقب واضح في خطوة تانية بعدها هيجي معنا زي ما هنتكلم في سلسلة اعمال قلوب عن الحسد في خطوة كمان بعد العمل القلبي ده ان هو اراده ايه؟ الشر - 00:44:24

طيب النوع الثاني فاهميin كده النوع الاول تمام؟ النوع الثاني ما لم يكن من اعمال القلوب بل كان من اعمال الجوارح كالزنا والسرقة وشرب الخمر يعني احنا بنتكلم عن مين؟ بنتكلم عن واحد عقد العزم - 00:44:42

عزم صميم في قلبه ان انا هعمل الزنب ده الزنب ده مش من اعمال القلوب اللي هي زي النفاق والشرك وسوء الظن وآآ وكراهية ما انزل الله والحداد والغل والحسد وال حاجات دي. لا - 00:44:58

ده عمل من اعمال الجوارح. زنا. سرقة شرب خمرة قتل قذف ونحو ذلك قالوا اذا اصر العبد على ارادة ذلك والعزم عليه ففي المؤاخذة عليه قولان. مشهوران للعلماء يعني لو فضل مصر بدأ بقى يعني يعزم وآآ ان هو فعلًا لو تمكنا من القتل - 00:45:14

يقتل لو تمكنا من الزنا يعني. لو تمكنا من السرقة يسرق. هو ده العزم الایه الاكيد فقال العلماء اختلفوا. قال احدهما يؤاخذ به ورج هذا القول كثير من الفقهاء والمحدثين والمتكلمين من اصحابنا وغيرهم - 00:45:38

واستدلوا له بنحو قوله عز وجل ولكن يؤاخذكم بما كسبت قلوبكم وقوله واعلموا ان الله يعلم ما في انفسكم فاحذروه وبنحو الاثم محاك في صدرك وكرهت ان يطلع عليه الناس - 00:45:57

وحملوا قوله ان الله تجاوز لامتي عما حدثت به انفسها ما لم تكلم به او تعلم على الخطوات. اللي هو القسم الاول وقالوا ما ساكته العبد وعقد قلبه عليه فهو من كسبه وعمله - 00:46:11

لان انت انت كان المفروض ان انت تدفع الخاطرة دي لكن معنى ان انت تسترسل معها وتتمكن من قلبك ان كأنك عقدت عليها كأنه عمل انت عملته انت كان بامكانك انت - 00:46:27

تدفع الوساوس صح؟ استعذ بالله وتذكر ربنا سبحانه وتعالى وتستعذ من الشيطان وتحاول ان انت تعالج هذا الامر كان فيها افعال  
كان ممكن تعاملها ادعى ان ربنا سبحانه وتعالى يصرف عنك - [00:46:42](#)

والا تصرف عنني كيدهن اصبو اليهن واكن من الجاهلين لكن ده في حالة الخسارات لكن ما ساكته القلب وعقد قلبه عليه فهو من كسبه  
وعمله لا يكون مغفوا عنه ومن هؤلاء - [00:46:58](#)

من قال انه يعاقب عليه في الدنيا بالهموم والغموم يعني يكون احنا بنتكلم عن واحد هم بالمعصية ولم يعملها هم بالمعصية ولم  
يعملها لكن الله ده كان فيه عقد في قلبه عقد النية وعزم - [00:47:14](#)

وعقد قلبه على فعل المعصية العقوبة بتاتته ايه؟ قالوا يعاقب بالهموم. والغموم وقيل بل يحاسب العبد به يوم القيمة فيقهه الله  
عليه ثم يعفو عنه لأن هو في الآخر هو ما عملش - [00:47:34](#)

ما زناش لم يسرق بس من جواه كان هي عمل الفعل ده ولا يعاقبه به ف تكون عقوبته المحاسبة وهذا هو اختيار ابن جرير. فده ايه  
اختلاف بالنسبة للقول الاول ان هو يؤاخذ به. القول الثاني لا يؤاخذ بمجرد النية مطلقا - [00:47:51](#)

ما دام ما عملش حتى لو نوى حتى لو عزم حتى لو ساكن هذه الخواطر لكن في الآخر ايه ما عملش احنا مش بنقول ان هو يثاب مش  
هيأخذ حسنة. ليه؟ مش هيأخذ حسنة ليه - [00:48:09](#)

لان هو لم يترك السيئة المعصية لله هو دلوقتي احنا بنتكلم عن القسم اللي هو كان عايز يعمل واتمنع منها لاي سبب بقى عجز او كزا  
ماشي فقالوا لا يؤاخذ بمجرد النية مطلقا ونسب ذلك الى نص الشافعي. وهو قول - [00:48:22](#)

ابن حامد من اصحابنا عملا بالعمومات. واضح واضح الجزء اللي فات طيب قوله في حديث في رواية مسلم او محاجها الله يعني ان  
عمل السيئة اما ان تكتب لعاملها سيئة واحدة او يمحوها الله بما شاء من الاسباب كالتنوبة والاستغفار وعمل - [00:48:43](#)

ختام الحديث قال ولا يهلك على الله الا هالك. اولا يهلك على الله الا هالك بمعنى ايه؟ يعني بعد الفضل العظيم ده. بعد المعاملة دي  
بعد الكرم ده واحد بيجي يوم القيمة كفة السيئات - [00:49:05](#)

تنتقل على كفة الحسنات يعني بعد هذا الفضل العظيم من الله والرحمة الواسعة منه بمضاعفة الحسنات والتجاوز عن السيئات. لا يهلك  
على الله الا من هلك وتجرأ على السيئات ورغم عن الحسنات واعرض عنها. ولهذا قال ابن مسعود ويل لمن غلت - [00:49:20](#)

وحданه عشراته يعني السيئة بواحدة والحسنة بعشرة فخرج الامام احمد وابو داود والنسائي والترمذى من حديث عبدالله بن عمرو  
رضي الله عنهما قال رسول الله صلى الله عليه وسلم خلتان لا يحصلهما رجل مسلم الا دخل الجنة وهمما يسير - [00:49:39](#)

ومن يعمل بهما قليل يسبح الله في دبر كل صلاة عشرة وتحمده عشرة وتكبره عشرة. سبحان الله والحمد لله والله اكبر بعد كل صلاة  
عشر مرات قال فتلk خمسون ومئة - [00:50:00](#)

يعني تلاتين في خمسة مية وخمسين الصلاة يعني فتلk خمسون ومئة باللسان والف وخمسة مائة في الميزان يعني مية وخمسين آآآ  
ذكر اللسان يعني خمسين مرة سبحانه الله خمسين مرة والحمد لله خمسين مرة الله اكبر مية وخمسين - [00:50:15](#)

ومية وخمسين آآآ دي تضاعف عشر آآآ اضعاف هتبقى الف وخمسة مائة في الميزان. ده من غير المضاعفة واذا اخذت مضجعك. يبقى  
انت كده معك الف وخمسة مائة في الصلوات الخمسة - [00:50:40](#)

واذا اخذت مضجعك تسبحه وتكبره وتحمده مائة هيبيك كده كم المية دول في عشرة يعني الف فتلk مائة باللسان والالف في الميزان  
فايكم يعمل في اليوم والليلة الفين وخمسة مائة خطيبة - [00:50:55](#)

طب انت دلوقتي عملت الفين وخمسة مائة في اليوم؟ المعنى ايه ولن يهلك على الله الا  
هالك. يعني ان واحد يوصل به الحال للدرجة دي - [00:51:14](#)

ان هو مش قادر يعمل حسنات اليسيرة دي فيكفر السيئات واضح وقد سأله الصحابة في الهاشم تحت وقد سأله الصحابة النبي صلى  
الله عليه وسلم. مش النبي عليه الصلاة والسلام قال هما يسير ومن يعمل بهما قليل - [00:51:30](#)

وقالوا كيف هما يسير ومن يعمل بهما قليل؟ فقال يجيء احدهم الشيطان في صلاته ويذكر حاجة كذا وكذا. يخلص الانسان الصلاة وتلقي الناس اول لما تخلص يقوم قائم جري. ماشي. يقول له انت وراك كزا قم بسرعة - 00:51:46  
بدل ما يقعد يختتم الصلاة ينسى هذا الذكر فلا يقولها ويأتيه عند منامه تيجي قبل ما تنام عايز طول الزكر قبل ما تنام. فيجي الشيطان ينسيك ين ويمك فينومه فلا يقولها - 00:52:02

قال الراوي ورأيت النبي صلى الله عليه وسلم يعقدهن بيده. ورأيت النبي صلى الله عليه وسلم يعقدهن بيده. طيب الحديث اللي هو كنت آآ يعني ذكرته بالمعنى كده آآ في - 00:52:18

قال جاء رجل الى النبي صلى الله عليه وسلم فقال يا رسول الله ارأيت ان جاء رجل يريد اخذ مالي قال فلا تعطه ما لك قال ارأيت ان قاتلني ؟ قال قاتله - 00:52:32

قال ارأيت ان قاتلني ؟ قال فانت شهيد قال ارأيت ان قاتلته قال فهو في النار او هو في النار واضح طيب هذا وصلى الله على نبينا محمد وعلى الله وصحابه والحمد لله رب العالمين. وجزاكم الله خيرا - 00:52:43  
سبحانك اللهم وبحمدك اشهد ان لا اله الا انت استغفرك واتوب اليك والحمد لله رب العالمين ونعتذر على الاطالة - 00:52:59